

薩聞是深般若波羅蜜不驚不怖當知是菩薩受得阿耨多羅三藐三菩提記不久不過一佛兩佛佛告舍利弗如是如是是菩薩摩訶薩久發意行六波羅蜜多供養諸佛聞是深般若波羅蜜不驚不怖不畏聞即受持如般若波羅蜜所說行

摩訶般若波羅蜜經卷第十九 當等僧清滿 九

摩訶般若波羅蜜經卷第二十

姚秦三藏沙門鳩摩羅什譯 海十

經耳品之餘

尔時舍利弗白佛言世尊我欲說譬喻如求菩薩道善男子善女人夢中修行般若波羅蜜入禪定勤精進具足忍辱守護於戒行布

施修行內空外空乃至坐於道場當知是善男子善女人近阿耨多羅三藐三菩提何況菩薩摩訶薩欲得阿耨多羅三藐三菩提覺時修行般若波羅蜜入禪定勤精進具足忍辱守護於戒行布施而不疾成阿耨多羅三藐三菩提坐於道場世尊善男子善女人善根成就得聞般若波羅蜜受持乃至如說行當知是菩薩摩訶薩久發意種善根多供養諸佛與善知識相隨是人能受持般若波羅蜜乃至正憶念當知是人近受阿耨多羅三藐三菩提記當知是善男子善女人如阿鞞跋致致菩薩摩訶薩於阿耨多羅三藐三菩提不動轉能得深般若波羅蜜得已能受持讀誦乃至正憶念世尊辭如人欲過百由旬若二百三百四百由旬曠野嶮道先見諸相若放牧人者若壇界若園林如是等諸相故知近城邑聚落是人見是相已作是念如我所見相當知城邑聚落不遠心得安隱不畏賊

難惡五飢渴世尊菩薩摩訶薩亦如是若得是深般若波羅蜜受持讀誦乃至正憶念當知正受得阿耨多羅三藐三菩提記不久當知是菩薩摩訶薩不應畏墮聲聞辟支佛地是諸先相所謂甚深般若波羅蜜得聞得見得受持乃至正憶念故佛告舍利弗如是如是汝復樂說者便說世尊辭如人欲見大海發心往趣不見樹相不見山相是人雖未見大海知大海不遠何以故大海處平無樹相無山相故如是世尊菩薩摩訶薩聞是深般若波羅蜜受持乃至正憶念時雖未佛前受劫數之記若百劫千萬百千萬億劫是菩薩自知近受阿耨多羅三藐三菩提記不久何以故我得聞是深般若波羅蜜受持讀誦乃至正憶念故世尊辭如初春諸樹陳葉已墮當知此樹新葉華果出在不久何以故見是諸樹先相故知今不久葉華果出是時間浮提人見樹先相皆歡喜言世尊菩薩摩訶薩

海華阿字卷

二

得聞是深般若波羅蜜受持讀誦乃至正憶念如說行當知是菩薩善根成就多供養諸佛是菩薩應作是念先世善根所追趣阿耨多羅三藐三菩提以是因緣故得見得聞是深般若波羅蜜受持讀誦乃至正憶念如說行是中諸天子曾見佛者歡喜踊躍作是念言先諸菩薩摩訶薩亦有如是受記先相今是菩薩摩訶薩受阿耨多羅三藐三菩提記亦不久世尊辭如母人懷妊身體苦重行步不便坐起不安眠食轉少不喜言語厭本所習受苦痛故有異母人見其先相當知產生不久菩薩摩訶薩亦如是種善根多供養諸佛久行六波羅蜜與善知識相隨善根成就得聞深般若波羅蜜受持讀誦乃至正憶念如說行諸人亦知是菩薩摩訶薩得阿耨多羅三藐三菩提記不久佛告舍利弗善哉善哉汝所樂說皆是佛力尔時須菩提白佛言希有世尊諸多陀阿伽度阿羅訶三藐三佛陀

善付諸菩薩摩訶薩事佛告須菩提諸菩薩摩訶薩發阿耨多羅三藐三菩提心安隱多衆生令無量衆生得樂憐愍饒益諸天人故是諸菩薩行菩薩道時以四事攝無量百千衆生所謂布施愛語利益同事亦以十善道成就衆生自行初禪亦教他人令行初禪乃

海華月二十卷

三

至自行非有想非無想處亦教他人令行乃至非有想非無想處自行檀波羅蜜亦教他人令行檀波羅蜜自行尸羅波羅蜜亦教他人令行尸羅波羅蜜自行羼提波羅蜜亦教他人令行羼提波羅蜜自行毘梨耶波羅蜜亦教他人令行毘梨耶波羅蜜自行禪波羅蜜亦教他人令行禪波羅蜜自行般若波羅蜜亦教他人令行般若波羅蜜是菩薩得般若波羅蜜以方便力教衆生令得須陀洹果自於內不證教衆生令得斯陀舍果阿那含果阿羅漢果自於內不證教衆生令得辟支佛道自於內不證自行六波羅蜜亦教無量

百千萬諸菩薩令行六波羅蜜自住阿鞞跋致地亦令他住阿鞞跋致地自淨佛國土亦教他人淨佛國土自成衆生亦教他人成就衆生自得菩薩神通亦教他人令得菩薩神通自淨陀隣尼門亦教他人淨陀隣尼門自具足樂說辯才亦教他人具足樂說辯才

自受色成就亦教他人令受色成就自成三十二相亦教他人成就三十二相自成童真地亦教他人成就童真地自成佛十力亦教他人令成就十力自行四無所畏亦教他人行四無所畏自行十八不共法亦教他人行十八不共法自行大慈大悲亦教他人令行大慈大悲自得一切種智亦教他人令得一切種智自離一切結使及習亦教他人令離一切結使及習自轉法輪亦教他人轉法輪須菩提白佛言希有世尊諸菩薩摩訶薩大功德成就所謂為一切衆生行般若波羅蜜欲得阿耨多羅三藐三菩提世尊云何

諸菩薩摩訶薩具足修行般若波羅蜜佛告
 須菩提若菩薩摩訶薩行般若波羅蜜時不
 見色增相亦不見色減相不見受想行識增
 相亦不見減相乃至一切種智不見增相亦
 不見減相菩薩摩訶薩是時具足般若波羅
 蜜復次須菩提菩薩摩訶薩行般若波羅蜜

海華河二十卷

四

時不見是法是非法不見是過去法是未來
 現在法不見是善法不善法有記法無記法
 不見是有為法無為法不見欲界色界無色
 界不見檀波羅蜜尸羅波羅蜜羼提波羅蜜
 毘梨耶波羅蜜禪波羅蜜般若波羅蜜乃至
 不見一切種智如是菩薩摩訶薩具足修行
 般若波羅蜜何以故諸法無相故諸法空欺
 誑無堅固無覺者無壽命者須菩提言世尊
 世尊所說不可思議佛告須菩提色不可思
 議故所說不可思議受想行識不可思議故
 所說不可思議六波羅蜜不可思議故所說
 不可思議乃至一切種智不可思議故所說

不可思議須菩提若菩薩摩訶薩行般若波
 羅蜜時知色是不可思議受想行識是不可
 思議乃至知一切種智是不可思議是菩薩
 則不能具足般若波羅蜜須菩提白佛言世
 尊是深般若波羅蜜誰當信解者佛言若有
 菩薩摩訶薩久行六波羅蜜種善根多親近

供養諸佛與善知識相隨是菩薩能信解深
 般若波羅蜜須菩提白佛言世尊云何菩薩
 摩訶薩久行六波羅蜜種善根多親近供養
 諸佛與善知識相隨佛言若菩薩摩訶薩不
 分別色不分別色相不分別色性不分別受
 想行識不分別識相不分別識性眼耳鼻舌

海華河二十卷

五

身意色聲香味觸法眼界乃至意識界亦如
 是不分別欲界色界無色界不分別三界相
 性不分別檀波羅蜜乃至般若波羅蜜內空
 乃至無法有法空四念處乃至八聖道分佛
 十力乃至十八不共法不分別十八不共法
 相性不分別道種智相性不分別一切種智

不分別一切種智相不分別一切種智性何以故須菩提色不可思議受想行識不可思議乃至一切種智不可思議如是須菩提是名菩薩摩訶薩久行六波羅蜜種善根多親近供養諸佛與善知識相隨須菩提菩薩白佛言世尊色甚深故般若波羅蜜甚深受想行識

甚深乃至一切種智甚深故般若波羅蜜甚深世尊是般若波羅蜜珠寶聚有須陀洹果寶故有斯陀含果阿那含果阿羅漢果辟支佛道阿耨多羅三藐三菩提寶故四禪四無量心四無色定五神通四念處乃至八聖道分佛十力四無所畏四無礙智大慈大悲十

八不共法一切智一切種智寶故世尊是般若波羅蜜清淨聚色清淨故般若波羅蜜清淨聚受想行識清淨乃至一切種智清淨故般若波羅蜜清淨聚須菩提言世尊甚可怖說是般若波羅蜜時多有留難佛言如是如是須菩提是甚深般若波羅蜜多有留難以

是事故善男子善女人若欲書是般若波羅蜜時應當疾書若讀誦思惟說正憶念修行時亦應疾修行何以故是甚深般若波羅蜜若書持讀誦思惟說正憶念修行時不欲令諸難起故善男子善女人若能一月書成當應勤書若二月三月四月五月六月七月若

一歲書成亦當勤書讀誦思惟說正憶念修行若一月得成就乃至一歲得成就應當勤成就何以故須菩提是珠寶中多有難起故須菩提言世尊是甚深般若波羅蜜中惡魔喜作留難故不得令書不得令讀誦思惟說正憶念修行佛告須菩提惡魔雖欲留難是

海摩訶千卷

六

深般若波羅蜜令不得書讀誦思惟說正憶念修行亦不能破壞是菩薩摩訶薩書般若波羅蜜乃至修行時舍利弗白佛言世尊誰力故令惡魔不能留難菩薩摩訶薩書深般若波羅蜜乃至修行佛言是佛力故惡魔不能留難菩薩摩訶薩書般若波羅蜜乃至

修行舍利弗亦是十方世界現在諸佛力故是諸佛擁護念是菩薩故令魔不能留難菩薩摩訶薩今不書成般若波羅蜜乃至修行何以故十方世界中現在無量無邊阿僧祇諸佛擁護念是菩薩書深般若波羅蜜乃至修行法應念亦無能作留難舍利弗善男子

善女人應當作是念我書是深般若波羅蜜乃至修行皆是十方諸佛力舍利弗言世尊若有善男子善女人書是深般若波羅蜜乃至修行皆是佛力故當知是人諸佛所護佛言如是如是舍利弗當知若有善男子善女人書是深般若波羅蜜乃至修行皆是佛

力故當知亦是諸佛所護舍利弗言世尊十方現在無量無邊阿僧祇諸佛皆識皆以佛眼見是善男子善女人書深般若波羅蜜乃至修行時佛言如是如是舍利弗十方現在無量無邊阿僧祇諸佛皆識皆以佛眼見是善男子善女人書深般若波羅蜜乃至修行

淨律千卷

七

時舍利弗是中求菩薩道善男子善女人若書是深般若波羅蜜受持讀誦正憶念如說修行當知是人近阿耨多羅三藐三菩提不久舍利弗善男子善女人書是深般若波羅蜜受持讀誦乃至正憶念是人於深般若波羅蜜多信解相亦供養恭敬尊重讚歎是深般若波羅蜜華香瓔珞乃至幡蓋供養舍利弗諸佛皆識皆以佛眼見是善男子善女人是善男子善女人供養功德當得大利益大果報舍利弗是善男子善女人以是供養功德因緣故終不墮惡道中乃至阿鞞跋致地終不遠離諸佛舍利弗是善男子善女人是

善根因緣故乃至阿耨多羅三藐三菩提終不遠離六波羅蜜終不遠離內空乃至無法有法空終不遠離四念處乃至八聖道分終不遠離佛十力乃至阿耨多羅三藐三菩提舍利弗是深般若波羅蜜佛般涅槃後當至南方國土是中比丘比丘尼優婆塞優婆夷

當書是深般若波羅蜜當受持讀誦思惟說正憶念修行以是善根因緣故終不墮惡道受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃舍利弗是深般若波羅蜜從南方當轉至西方所在處是中比丘比丘尼優婆塞優婆

夷當書是深般若波羅蜜當受持讀誦思惟說正憶念修行以是善根因緣故終不墮惡道受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃舍利弗是深般若波羅蜜從西方當轉至北方所在處是中比丘比丘尼優婆塞優

婆夷當書是深般若波羅蜜當受持讀誦思惟說正憶念修行以是善根因緣故終不墮惡道受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃舍利弗是深般若波羅蜜是時北方當作佛事何以故舍利弗我法盛時無減相

海華經二十卷

磧砂大藏經

摩訶般若波羅蜜經

卅

第十三册

舍利弗我已念是善男子善女人受是深般若波羅蜜乃至修行是善男子善女人能書是般若波羅蜜恭敬供養尊重讚歎華香乃至幡蓋舍利弗是善男子善女人以是善根因緣故終不墮惡道受天上人中樂增益六波羅蜜供養恭敬尊重讚歎諸佛漸以聲聞辟支佛佛乘而得涅槃何以故舍利弗我以佛眼見是人我亦稱譽讚歎十方國土中無量無邊阿僧祇諸佛亦以佛眼見是人亦稱譽讚歎舍利弗白佛言世尊是深般若波羅蜜後時當在北方廣行耶佛言如是如是舍利弗是深般若波羅蜜後時在北方當廣行舍利弗後時於北方是善男子善女人若聞是深般若波羅蜜若書受持讀誦思惟說正憶念如說修行當知是善男子善女人久發大乘心多供養諸佛種善根久與善知識相隨舍利弗白佛言世尊後時北方當有幾所善男子善女人求佛道書深般若波羅蜜乃

至如說修行佛告舍利弗後時北方雖多有求佛道善男子善女人少有聞是深般若波羅蜜不沒不驚不怖不畏何以故是人多親近供養諸佛多諮問諸佛是人必能具足般若波羅蜜禪波羅蜜毘梨耶波羅蜜羸提波羅蜜尸羅波羅蜜檀波羅蜜具足四念處乃

海摩河字卷

九

至具足十八不共法舍利弗是善男子善女人善根純淑故能多利益衆生為阿耨多羅三藐三菩提何以故我今為是善男子善女人說應薩婆若法過去諸佛亦為是善男子善女人說應薩婆若法以是因緣故是人後生時續得阿耨多羅三藐三菩提心亦為他

人說阿耨多羅三藐三菩提法是善男子善女人皆一心和合魔若魔民不能沮壞阿耨多羅三藐三菩提心何況惡行人毀咎行深般若波羅蜜者能壞其阿耨多羅三藐三菩提心舍利弗是求菩薩道諸善男子善女人聞是深般若波羅蜜得大法喜法樂亦立多

人於善根為阿耨多羅三藐三菩提是善男子善女人於我前立誓願我行菩薩道時當度無數百千万億衆生令發阿耨多羅三藐三菩提心示教利喜乃至阿鞞跋致地受記我知其心我亦隨喜是善男子善女人亦於過去諸佛前立誓願我行菩薩道時當度無數百千万億衆生令發阿耨多羅三藐三菩提心示教利喜乃至阿鞞跋致地受記諸善男子善女人所為心大所受色聲香味觸法亦大亦能大施能大施已種大善根種大善根已得大果報為攝衆生故受能於衆生中捨內外所有物以是善根因緣發願欲生他方國土現在諸佛說深般若波羅蜜處於諸佛前聞是深般若波羅蜜已亦於彼示教利喜百千万億衆生令發阿耨多羅三藐三菩提心舍利弗白佛言希有世尊佛於過去未來現在法無法不知無法如相不知衆生之行無

事不知今佛悉知過去諸佛及菩薩聲聞亦知今現在十方諸佛國土菩薩及聲聞亦知未來諸佛及菩薩聲聞世尊未來世有善男子善女人勤求六波羅蜜受持讀誦乃至修行有得有不得佛告舍利弗若善男子善女人一心精進勤求當得應六波羅蜜諸經舍

海華經二十卷

十

利弗白佛言善男子善女人如是勤行者得是應六波羅蜜深經耶佛語舍利弗是善男子善女人得是應六波羅蜜深經何以故善男子善女人為阿耨多羅三藐三菩提故與衆生說法示教利喜令任六波羅蜜以是因緣故是善男子善女人後身轉生易得應六

波羅蜜深經得已如六波羅蜜所說修行精勤不息乃至淨佛國土成就衆生得阿耨多羅三藐三菩提

摩訶般若波羅蜜經魔事品第四十六

爾時慧命須菩提白佛言世尊是善男子善女人發阿耨多羅三藐三菩提心行六波羅

蜜成就衆生淨佛國土已已讚歎說其功德世尊云何善男子善女人求於佛道生諸留難佛告須菩提樂說辯不即生當知是菩薩魔事須菩提言世尊何因緣故樂說辯不即生是菩薩魔事佛言有菩薩摩訶薩行般若波羅蜜時難具足六波羅蜜以是因緣故樂

說辯不即生是菩薩魔事復次須菩提樂說辯才卒起當知亦是菩薩魔事世尊何因緣故樂說辯才卒起復是魔事佛言菩薩摩訶薩行檀波羅蜜乃至般若波羅蜜著樂說法以是因緣故樂說辯才卒起當知是菩薩魔事復次須菩提書是般若波羅蜜經時僂僂

海華經二十卷

十一

傲慢當知是菩薩魔事復次須菩提書是經時戲笑亂心當知是菩薩魔事復次須菩提若書是經時輕笑不敬當知是菩薩魔事復次須菩提若書是經時心亂不定當知是菩薩魔事復次須菩提書是經時各各不和合當知是菩薩魔事復次須菩提善男子善女

人作是念我不得是經中滋味便棄捨去當知是菩薩魔事復次須菩提受持般若波羅蜜讀誦說若正憶念時偃優傲慢當知是菩薩魔事復次須菩提若受持般若波羅蜜經親近正憶念時轉相形笑當知是菩薩魔事復次須菩提若受持般若波羅蜜經時讀誦正憶念修行時共相輕蔑當知是菩薩魔事若受持般若波羅蜜讀誦正憶念時散亂心當知是菩薩魔事若受持般若波羅蜜讀誦正憶念時心不和合當知是菩薩魔事須菩提白佛言世尊世尊說善男子善女人作是念我不得經中滋味便棄捨去當知是菩薩魔事世尊何因緣故菩薩不得經中滋味便棄捨去佛言是菩薩摩訶薩前世不久行般若波羅蜜禪波羅蜜毘梨耶波羅蜜羸提波羅蜜尸羅波羅蜜檀波羅蜜是人聞說是般若波羅蜜便從座起作是念言我於般若波羅蜜中無記心不清淨便從座起去當知是菩

薩魔事須菩提白佛言世尊何因緣故不與受記聞說是般若波羅蜜時便從座起去佛告須菩提若菩薩未入法位中諸佛不與受阿耨多羅三藐三菩提記復次須菩提聞說般若波羅蜜時菩薩作是念我是中無名字心不清淨當知是菩薩魔事須菩提言何因緣故是深般若波羅蜜中不說是菩薩名字佛言未受記菩薩諸佛不說名字復次須菩提是菩薩摩訶薩作是念是般若波羅蜜中無我生處名字若聚落城邑是人不欲聽聞般若波羅蜜便從會中起去是人如所起念時念念却一劫補當更勤精進求阿耨多羅

海摩河二十卷

十二

七覺分八聖道分空無相無作解脫門善男子善女人住是中得須陀洹果斯陀含果阿那含果阿羅漢果是名聲聞所行不能至薩婆若如是善男子善女人捨般若波羅蜜親近是餘經何以故須菩提般若波羅蜜中生諸菩薩摩訶薩成就世間出世間法須菩提

提菩薩摩訶薩學般若波羅蜜時亦學世間出世間法須菩提譬如狗不從大家求食反從作務者索如是須菩提當來世有善男子善女人棄深般若波羅蜜而攀枝葉取聲聞辟支佛所應行經當知是為菩薩魔事須菩提譬如有人欲得見象見已反觀其跡須菩提

提於汝意云何是人為黠不須菩提言為不黠佛言諸求佛道善男子善女人亦復如是得深般若波羅蜜棄捨去取聲聞辟支佛所應行經須菩提當知亦是菩薩魔事須菩提譬如人欲見大海反求牛跡水作是念大海水能與此等不須菩提於汝意云何是人為

海華訂于卷

十三

黠不須菩提言為不黠佛言當來世有求佛道善男子善女人亦如是得深般若波羅蜜棄捨去取聲聞辟支佛所應行經當知是亦菩薩魔事須菩提譬如工匠若工匠弟子欲擬作釋提桓因勝殿而揆則日月宮殿須菩提於汝意云何是人為黠不須菩提言為不

黠如是須菩提當來世有薄福德善男子善女人求佛道者得是深般若波羅蜜便棄捨去取聲聞辟支佛所應行經中求薩婆若須菩提於汝意云何是人為黠不須菩提言為不黠佛言當知亦是菩薩魔事須菩提譬如有人欲見轉輪聖王見而不識後見諸小國

王取其相貌如是言轉輪聖王與此何異須菩提於汝意云何是人為黠不須菩提言為不黠須菩提當來世有薄福德善男子善女人求佛道者得是深般若波羅蜜棄捨去取聲聞辟支佛所應行經持求薩婆若須菩提於汝意云何是人為黠不須菩提言為不黠

當知是菩薩魔事須菩提辭如飢人得百味
 食棄捨去反食六十日穀飯須菩提於汝意
 云何是人為點不須菩提言為不點佛言當
 來世有求佛道善男子善女人得聞深般若
 波羅蜜棄捨去取聲聞辟支佛所應行經持
 求薩婆若於汝意云何是人為點不須菩提
 言為不點當知是亦菩薩魔事須菩提辭如
 人得無價摩尼珠反持比水精珠須菩提於
 汝意云何是人為點不須菩提言為不點佛
 言當來世有求佛道善男子善女人得聞深
 般若波羅蜜棄捨去取聲聞辟支佛所應行
 經持求薩婆若是人為點不須菩提言為不
 點當知是亦菩薩魔事復次須菩提是求佛
 道善男子善女人書是深般若波羅蜜時樂
 說不如法事不得書成般若波羅蜜所謂樂
 說色聲香味觸法樂說持戒禪定無色定樂
 說檀波羅蜜乃至般若波羅蜜樂說四念處
 乃至阿耨多羅三藐三菩提何以故須菩提

海華河二十卷

十四

是般若波羅蜜中無樂說相須菩提般若波
 羅蜜不可思議相般若波羅蜜不生不滅相
 般若波羅蜜不垢不淨相般若波羅蜜不亂
 不散相般若波羅蜜無說相般若波羅蜜無
 言無義相般若波羅蜜無所得相何以故須
 菩提般若波羅蜜中無是諸法須菩提若有
 善男子善女人求菩薩道者書是般若波羅
 蜜經時以是諸法散亂心當知是亦菩薩魔
 事須菩提白佛言世尊是般若波羅蜜可書
 耶佛言不可書何以故般若波羅蜜自性無
 故禪波羅蜜毘梨耶波羅蜜羸提波羅蜜尸
 羅波羅蜜檀波羅蜜乃至一切種智自性無
 故若自性無是不名為法無法不能書無法
 須菩提若求菩薩道善男子善女人作是念
 無法是深般若波羅蜜當知即是菩薩魔事
 世尊是求菩薩道善男子善女人用字書般
 若波羅蜜自念我書是般若波羅蜜以字著
 般若波羅蜜當知亦是菩薩魔事何以故世

